

Тохмта бухмудт оньган өгхмн

„Сант-гертруд“ гидг тохмта хойр бухиг США-с'авч ирсмн. Эн хойр бухин төлө 50 минь-гын арслнь алтар өггдсмн.

Хальмг тохмта малин-амд чиньнуринь икдүүлхин төлө, „Сант-гертруд“ тохмла ниндүлдж, цааранднь тохминь ясруллгын эркн төр болджана.

„Сант-гертруд“ тохмла ниилсн төл чаньгь-чийрг, шулугьар мах бэрдж өсдг болджана.

Хальмг республикин мал өсклгнэ дамшлтин научн станцин эдл-ахуд баях хальмг тохмта үкрмүдт „Сант-гертруд“ тохмта бухмудла харгьулдж, көг тэвсн үкрмүдэс 14 тугьл авсн баянэ. Эн тугьлмуд төрдж гархларн 28-д килограмм татла. Тугьлмуд гарсн өдрэсн авн өдр болгын 876 грамм күрч немджав.

Иим сэн тохмта бухмудиг мал өсклгнэ дамшлтин научн станц Целинн района „Прудовый“ совхозд өгснэс нааран эн бухмуд халамдж, асрлгь муугьар теткесн учрар, джегигьад эцэд, муурч оч.

Хальмг республикин мал өсклгнэ научн станц эн тохмта бухмудиг „Прудовый“ совхозд өгснэ хбөн „Сант-гертруд“ тохмта бухмуд эзн кевэр олзлгдджахш, алькинь чигн кергтэн авлго баясн учрар эн хойр бух эвранны чинрэн гееджана.

Тегэд „Прудовый“ совхоз (директорнь үр Ткаченко, ах зоотехник үр Болдырев Сандж) эн тохмта бухмудт килмджан өгч хот-хоолинь күтцднь өгч, теднэс сэн төл авч, хальмг тохмта малиг цааранднь ясрулх кергтэ.

Хальмг республикин селанэ эдл-ахун управлень, мал өсклгнэ дамшлтин научн станцин болн „Прудовый“ совхозин гаргьджах эндүсиг цагтүдэл уга чиклдж, эн үнтэ бухмудиг эзн кевэр хадгьлдж, теднэс авсн тэлиг цааранднь өскдж авлгын йир ик чинр зүүджана,

Б. БОЛДЫРЕВ.